

三因方論

竹

9.10

三因極一病證方論卷九目錄

胸痞證治

括萎丸

橘皮生姜湯

梔子湯

健忘證治

小定志丸

蒲黃益智丸

虛煩證治

淡竹茹湯

溫膽湯

酸棗仁湯

五痿叙論



五痿証例

五痿治法

加味四斤丸

麋角丸

上丹

衛生湯

中丹

下丹

芎桂湯

藿香養脾湯

失血叙論

外因衄血証治

桂枝括萎根湯

麻黃升麻湯

五苓散

除濕湯

內因衄血證治

止衄散

不內外因證治

加味理中湯

花藥石散

白芨散

三因吐血證治

五苓散

除濕湯

桂枝括萎湯

金屑丹

傷胃吐血證治

理中湯

肺疽吐血證治

二灰散

折傷吐血證治

加味芎藭湯

折傷瘀血證治

鷄鳴散

病餘瘀血證治

犀角地黄湯

汗血證治

葎草汁



便血證治

伏龍肝湯

當歸赤小豆湯

風痢下血證治

胃風湯

料簡

尿血證治

髮灰散

玉屑膏

癥瘕證治

大硝石丸

小三稜丸

三聖丸

一握七丸

妙應丹

癩證叙論

癩癩證治

六珍丹

礬丹

大鎮心丹

蛇黃丹

凡例

狂證治例

鎮心丹

大補心丹

九痛叙論

外因心痛證治

內因心痛證治

不內外因心痛證治

蜜附湯

麻黃桂枝湯

小建中湯

雞舌香散

訶子散

九痛丸

蘇合香丸

撞氣阿魏丸

倉卒散

夾笑散



三因極一病證方論卷十目錄

勞瘵叙論

勞瘵治法

勞瘵諸證

取勞虫法

神授散

潤神散

温金散

蛤蚧散

蘇合香丸

症忤中惡證治

還魂湯

桃奴丸

蘇合香丸

蠱毒叙論

中蠱證治

兀例

丹砂丸

礬灰散

鮮毒丸

青黛雄黃散

蛇虫傷治法

白芷散

白礬半夏散

五絕治法

半夏散

牡丹散

救自縊法

救壓死法

鷄鳴散

大獄活血丹

接骨散

花蕊石散

救溺死法

驚悸證治

溫膽湯

鎮心丹

定志丸

寒水石丸

自汗證治

正元散

牡蠣散



麥煎散

桂枝湯

卻暑散

防己黃芪湯

止汗溫粉

消渴叙論

三消治法

真珠丸

葎蓉丸

姜粉散

烏金散

附子猪肚丸

在鳴  
散之後

胡桃丸

古瓦湯

鹿茸丸

遠志丸

六神湯

爛金丸

石子齋菴湯

黃連猪肚丸

胡桃丸

以上四湯在古瓦湯之前

素白皮湯

玄兔丹

梅花湯

猪脊湯

八味丸

文蛤散

烏梅木瓜湯

羊乳丸

忍冬丸

附山谷兔絲子酒黃芪甘草湯

麥冬煎

竹龍散

澄源丹

五疸叙論

黃汗證治

桂枝黃芪湯

黃芪苦酒湯

黃膽證治

麻黃醇酒湯

穀疸證治

穀疸丸

紅丸子

酒疸證治

半夏湯

二石散

桂朮湯

當歸白朮湯

人參飲

如神散

女勞疸證治



滑石石羔散

消石礬石散

雜勞疸證治

茵陳梔子丸

艾煎丸

五苓散

苦參散

小半夏湯

養榮湯

礬石滑石散

在苦參散之前

三因極一病證方論卷九

宋青田鶴溪陳言無擇編

胸痞證治

病者心下堅滿痞急痛肌中苦痺續急如刺不得俛  
仰其胸前皮皆痛手不得犯胸中幅幅而滿短氣欬  
唾引痛咽塞不利習習如痒喉中乾燥時欲吐嘔煩  
悶自汗時出痛引徹背不治則數日殺人病名胸痞  
由下虛極氣上控膈使然其脈陽微陰結

括萎丸

治胸痞膈中痛徹背氣塞喘息咳喘心腹

痞悶

括萎

去穰取子炒香熟留皮去與穰別用

枳壳

麸炒各等分

右二味為細末先取括萎皮與穰研細水熬成

膏和二物為丸如桐子大滾水下二十五丸食

後服

橘皮生姜湯

治胸中痞噫塞幅々如滿習々如痒

喉中塞秘欬嗽吐沫

橘皮

一两

枳實

麸炒二錢

生姜

半兩

右剉散分二服水二盞煎七分去滓食前服

梔子湯

治胸痞切痛

此方與倉卒散煮製不同故別出之

梔子

二兩燒存性

附子

兩炮一

右剉散每服三錢水一盞薤白三箇同煎至五

分食前溫服

健忘證治

脾主意與思意者記所往事思則魚心之所為也故論云言心未必是思言思則必是心蓋破外人議思心同持理甚明也今脾受病則意舍不清心神不寧使人健忘盡心力思量不來者是也或曰常以喜忘故謂之健忘二者通治



小定志丸

治心氣不定五藏不足甚者憂愁

不樂忽善忘朝瘧暮劇暮瘧朝發及

因事有所大驚夢寐不祥登高涉險以

致神魂不安驚悸恐怯

遠志

去心姜汁淹炒

菖蒲

炒各一兩

茯苓

茯神

人參

各二兩

右為末蜜丸如桐子大辰砂為衣每服五十丸

米湯下

一方去茯神名開心散每服二錢已無時服

菖蒲益智丸

治喜忘恍惚破積聚止痛安神定志

聰明耳目

菖蒲炒

遠志去心姜汁製炒

人參 桔梗

牛膝

酒浸各一兩一分

桂心三分

茯苓一兩三分

附子製一兩

右為末蜜丸如桐子大每服三十九溫酒米湯

下食前服

虛煩證治

虛煩者方論中所謂心虛煩悶是也大抵陰虛則內熱陽盛生外熱外熱曰躁內熱曰煩此不分而分也傷寒大病不復常霍亂吐瀉之後皆使人心虛煩悶

婦人產蓐多有此病其證心煩身不覺熱頭目昏疼  
 口乾咽燥不渴神清不寐皆虛煩也方例有虛煩近  
 傷寒之說不可不辨又人卒自汗小便頻并遺泄白  
 濁皆憂煩過度之所致傷寒屬外因憂煩屬內因霍  
 亂兼不內外因學者當詳析而調治之

淡竹茹湯 治心虛煩悶頭疼短氣內熱不解心中

煩悶及婦人產後心虛驚悸煩悶欲絕

麥門冬

小麥

各二兩半

甘草

一兩

人參

白茯苓

各一兩半

製半夏

二兩

右剉散每服四錢水二盞生姜七片棗三寸淡

竹茹一團如指大煎七分去滓食前服虛勞煩

悶尤宜服之

溫膽湯 治大病後虛煩不得眠此膽寒故也此藥

治之又治驚悸

製半夏 竹茹 枳實楚炒各二兩 陳皮 甘草炙一兩

白茯苓一兩半

右剉散每服四錢水一盞半生姜五片棗二枚

煎七分去滓食前服

酸棗仁湯 治霍亂吐下增劇勞擾虛煩奔氣入胸

中不得眠或發寒熱頭疼暈悶



酸棗仁炒一分

人參

桂心各一分

知母

茯苓各三錢

石膏煨半兩

甘草炙三分

右剉散每服四錢水一盞半生姜三片枣一枚

煎七分去渣食前服

五痿叙論

夫人身之有皮毛血脉筋膜肌肉骨髓以成形內則

肝心肺脾腎以主之若隨情妄用喜怒不節勞逸兼

并以致內藏精血虛耗榮衛失度發為寒熱使皮血

筋骨肌肉痿弱無力以運動故致痿癭狀與柔風脚

弱相類以脉症所因別之不可混濫柔風脚弱皆外

所因痿躄則屬內因藏氣不足之所為也宜審之為治

### 五痿證治

病者肺熱皮虛弱薄著足痿躄其色白而毛敗名曰皮痿由肺熱葉焦使然也肺為五藏長有所失止所求不得則發肺鳴肺鳴則肺葉焦論曰五藏因肺熱葉焦發為痿躄

病者心下熱膝腕樞紐如折去而不相提挈胫筋縱緩不能任其地其色赤而絡脉溢名曰脉痿由悲哀太息陽氣內動數洩便血故論本病篇曰大經空虛

發為肌痺傳為脉痿

病者肝熱口苦筋膜乾枯筋急而攣其色蒼而爪枯  
名曰筋痿由思想無窮所願不得意淫於外入房太  
甚宗筋舒縱筋痿及為白淫故下經曰筋痿者生於  
肝而使內也

病者脾熱胃乾而渴肌肉不仁其色黃而肉蠕動名  
曰肉痿由漸於湿地以水為事居處下澤濡漬痺而  
不仁故下經曰肉痿者得之湿地也

病者腎熱腰脊不舉骨枯而髓減其色黑而齒槁名  
曰骨痿因有所遠行勞倦遇大熱而渴陽因內之熱

舍于腎致水不勝火則骨枯而髓虛故下經曰骨痿者生於大熱也

### 五痿治法

諸痿治法當養陽明與衝脉陽明主胃乃五藏六府之海主潤宗筋束骨以利機關衝脉者諸經之海主滲灌谿谷與陽明合養於宗筋會于氣街属于帶脉絡于督脉故陽虛則宗筋縱帶脉不引故足痿不用也治之各補其營而通其輸調其虛寔和其逆順至筋脉骨肉各得其旺時病乃已矣

加味四斤丸 治腎肝藏虛熱淫於內致筋骨痿弱



不自勝持起居須人足不任地驚恐

戰掉潮熱時作飲食無味不生氣力

諸虛不足

蓯蓉酒

牛膝酒

木瓜

兎絲

酒浸通軟  
別研細

鹿茸

燎去毛酥  
塗炙切

熟地

天麻

五味子

酒浸各  
等分

右為細末煉蜜為丸如梧子大每服五十丸温

酒米湯食前服

一法不用五味子有杜仲

麋角丸

治五痿皮緩毛悴血脉枯槁肌肉薄着筋

骨羸弱飲食不滋庶事不興四肢無力爪

枯髮落眼昏脣燥疲憊不能支持

麩角 鎊一斤酒浸一宿

熟地黃 兩

大附子 生一兩去皮臍兩五錢

右用大麥米二升以一半藉底一半在上以布

巾二塊覆隔炊一日取出藥與麥別研焙乾為

末以浸藥酒添清酒煮麥粉為糊搜和得所杵

三千下丸如桐子大每服五十九溫酒米湯任

下食前服

衛生湯 補虛勞強五藏除陰煩養真氣退邪熱養

血脉緩中安和神志潤澤容色常服通暢

血脉不生癰瘍養胃益精自汗盜汗並宜

服之

當歸 芍藥 黃芪 甘草

右剉散每服五錢水一盞半煎七分去滓不拘  
時服年老加好酒半盞煎

王啟玄傳玄珠先生耘苗丹三方序曰張長沙戒人  
妄服燥烈之藥謂藥勢偏有所勝剋流變則真病生  
焉猶閏苗之不長而掘之也若稟氣受血不強合服  
此而不服此反忽畧之是不耘苗者也故云耘苗丹  
上丹 養五藏補不足祕固真元均調二氣和暢營  
衛保神守中久服輕身耐老健力能食明耳

師本無遠志  
杜仲菴容

目降心火交腎水益精氣男子絕陽庶事

不堪女子絕陰乃不能妊以致腰膝重著

筋骨衰敗面色黧黑神志昏憤寤寐恍惚

煩憤多倦餘瀝夢遺膀胱和熱五勞七傷

肌肉羸悴上熱下冷難任補藥服之半月

陰陽自和容色肌膚光潤悅澤開心意安

魂魄消飲食養胃氣

五味子

斤半

巴戟

心法

遠志

心法

枸杞子

薯蕷

肉蓯蓉

酒浸

百部

酒浸

一宿焙

杜仲

炒斷

蛇床子

防風

去

白茯苓

栢子仁

別研

兔絲子

酒浸別

研各二兩



右為末蜜丸如梧子大食前溫酒鹽湯任下五  
 十九春煎乾棗湯下夏加五味子四兩四季之  
 月加肉蓯蓉六兩秋加枸杞六兩冬加遠志六  
 兩食後兼服衛生湯

中丹 治百虛損體劣少氣善驚昏憤上焦客熱中

腕冷痰不能多食心腹痞滿脾胃氣衰精血

妄行容色枯悴

黃芪 白芍 當歸各四兩 人參 茯苓

桂心各一兩 川楝炒去汗 大附子炮

黃芩為末姜汁和作餅各一兩

右為末姜汁和作餅粟米飲搜和得所杵千餘

下丸如梧子大每服五十九溫酒下食前服

下丹

一本作小丹

補勞益血去風冷百病諸虛不足老

人精枯神耗女子絕傷斷產久服益

壽延年安神志定魂魄流溢氣血脈

絡開益智慧釋散風寒耳目聰明筋

力強壯肌膚悅澤添精補髓活血駐

顏氣宇泰定

熟地

茯苓

酒浸各六兩

五味子

兔絲子

酒浸各五兩

栝子仁

另研

天門冬

心去蛇床子炒

覆盆子

巴戟心

石斛

各二兩

續斷

澤瀉

人參

山藥

遠志

炒去心

山茱萸

菖蒲

桂心

白茯苓

杜仲

炒斷絲各二兩

鍾乳粉

煉成者扶衰三兩續老二兩常

師奔無鍾乳  
杜仲

調一兩氣完  
須當刪去

天雄製一兩

右為細末煉蜜丸如梧子大食前溫酒服三十

丸至五十九忌五辛生葱蕪荑錫鯉虛人多去

鍾乳倍地黃多忘倍遠志茯苓少氣神虛倍覆

盆子欲光澤倍栢子仁風虛倍天雄虛寒倍桂

心小便赤濁三倍茯苓一倍澤瀉吐逆倍人參

芎桂湯 治四肢疼痛軟弱行步不便

方見中風門

藿香養胃湯 治胃虛不食四肢痿弱行立不便皆

由陽明虛宗筋無所養遂成痿躄

藿香 白朮 半夏麴 神麴 烏藥 縮砂仁

薏苡仁炒 茯苓 人參各半兩 萹澄茄

甘草炙各三錢半

右為散每服四錢水二盞半生姜五片棗二枚

煎七分去滓食前服

失血叙論

夫血猶水也水由地中行百川皆理則無壅決之虞



血之周流於人身榮經筋府俞外不為四氣所傷內不為七情所苦自然順適萬一微爽節宣必至壅閉故血不得循經流注榮養百脉或泣或散或下而亡敗或反逆而上溢乃有吐衄利汗痰諸證生為十種走失無重於斯隨証別之乃可施治

外因衄血證治

病者因傷風寒暑濕流傳經絡陰陽相勝故血得寒則凝泣得熱則泛溢各隨藏府經絡湧泄於清氣道中而衄出一升一斗者皆外所因治之各有方

桂枝括萎根湯 治傷風汗下不解鬱於經絡隨氣

湧泄衄出清血或清氣道中閉壅  
而流入胃管吐出清血遇寒泣之  
色必瘀黑者

桂枝 白芍 括萎根 甘草 川芎

等分

石劉散每服四錢水一盞半生姜三片棗一枚  
煎七分去滓服頭痛加石膏

麻黃升麻湯 治傷寒發熱不解汗不行血隨氣壅

世謂紅汗是也

麻黃 去節湯泡  
二兩半

升麻 一兩  
一分

黃芩 芍藥

甘草 石膏 煨

茯苓 各一  
兩

右劉散每服四大錢水一盞半生姜三片煎七

分去滓熱服微汗解

五苓散

治伏暑飲熱暑氣流入經絡壅溢發衄或

胃氣虛血滲入胃停留不散吐出一二許

方見傷暑門

治衄血則以芩花煎湯下屢用得效

除濕湯

治胃兩著濕鬱於經絡血溢作衄或脾胃

不利濕著經絡血流入胃、滿吐血

茯苓

乾姜

各四錢

甘草

白朮

各二錢

右劉散每服四錢水一盞半煎七分去滓服頭

疼加川芎二錢最止浴室中發衄

內因衄血證治

病者積怒傷肝積憂傷肺煩思傷脾失志傷腎暴喜  
傷心皆能動血蓄聚不已停留胸間隨氣上溢入于  
清氣道中發為鼻衄名五藏衄

止衄散 治氣鬱發衄無比神效

黃芪錢 赤茯苓 白芍藥 生地黄

當歸 阿膠各三錢

右為細末煎黃芪湯調下二錢已未  
知再作

不內外因證治

病者飲酒過多及噉炙博五辛熱食動於血  
隨氣



溢發為鼻衄名酒食衄或墜車馬打撲損傷致血淖  
溢發為鼻衄名折傷衄

加味理中丸

治飲酒過多及啖炙博熱食動血發

為鼻衄

人參

白朮

甘草炙

乾姜炙

乾葛

川芎

各等分

右剉散每服四錢水一盞煎七分去滓溫服

花蕊石散

治一切金瘡打撲傷損猫犬咬傷並於

傷處摻傅或內損血入藏府壅溢作衄

及婦人產後敗血不散

花蕊石

研細一斤

上色硫黃

研細四兩

右二味拌和入箴瓶中以紙筋搗黃泥固濟候乾焙令熟透以磚藉用白炭一秤頂上發火燒炭盡候冷取出再研極細諸箴傷及婦人產後瘀血不行用童子小便溫酒調一二錢匕取出瘀血即效

白芨散

治鼻衄立效

白芨一味不拘多少為末冷水調用紙花貼鼻孔中

又一方用黃明膠湯泡令軟貼鼻孔中及髮際

三因吐血證治

病者諸血積聚合發為衄而清氣道閉濁道湧溢凝  
停胸胃中因而滿悶吐血出數斗至于一石者名曰  
內衄或因四氣傷于外七情動於內及飲食房勞墜  
墮傷損致榮血留聚膈間則吐溢世謂之妄行

桂枝栝萎湯 治傷風吐血

方見外因衄血條下

五苓散 治傷暑吐血

方見傷暑門

除濕湯 治傷濕吐血

方見外因衄血條下

金屑丹 治三因吐血及衄血下血一切血溢妄行  
葉子雌黃

右一味為粗末入棗肉內線繫定滿着湯煮用  
黑錫對雌黃斤兩鎔作汁傾入湯煮一日添水  
煮候冷取出雌黃洗淨乾研細為末却以煮棗  
肉和丸如梧子大每服五七丸黑錫煎湯下

傷胃吐血證治

病者因飲食過度傷胃或胃虛不能消化致翻嘔吐  
逆物與氣上冲蹙胃口决裂所傷吐出其色鮮紅心



腹絞痛白汗自流名曰傷胃吐血

理中湯 能止傷胃吐血者以其功最理中脘分利

陰陽安定血脉方証廣如局方但不出吐

血證學者自當知之

人參

白朮

甘草炙

白姜

炒各等分

右剉散每服四錢水一盞煎七分去滓無時服

或只煮乾姜甘草湯飲之亦妙 方見養生必用

肺疽吐血證治

病者因飲啖辛熱、燥傷肺血得熱則溢因作嘔吐

出血一合或半升許名曰肺疽傷於府則屬胃傷於

藏則屬肺名以此分不可不究

二灰散 治肺疽吐血并妄行

紅棗

和核燒存性

百藥煎

煨各等分

右為末每服二錢米湯調下

折傷吐血證治

病者因墜閃胸致傷五藏損裂出血停留中脘藏熱則吐鮮血藏寒則吐瘀血如豆羹汁此名內傷治之各有方

加味芎藭湯 治打撲損傷敗血流八胃脘嘔吐黑

血或如豆羹汁

川芎 白芍藥 百合 水浸半日 當歸 荆芥穗 等分

右判散每服四錢水一盞半酒半盞煎七分去

滓服

折傷瘀血證治

病者有所墜墮惡血內留或因大怒肝血併濕停留蓄而不散兩脇疼痛脚善癩骨節時腫氣上不下皆由瘀血在內治之各有方

鷄鳴散 治後高墜下及木石所壓凡是傷損血瘀

凝滯氣絕欲死并久積瘀血躁煩疼痛叫

呼不得並以此藥利去瘀血即此推陳致

新治折傷神效

大黃酒一兩

蒸

桃仁三四

去皮尖

粒

右研細末酒一盞煎六分去滓鷄鳴時服次日  
取下瘀血即愈若便覺氣絕不能言取藥不及  
即擘開口以熱小便灌之

病餘瘀血證治

病者或因發汗不徹及吐衄不盡瘀畜在內使人面  
黃唇白大便黑脚弱氣喘甚則狂悶皆瘀血所致治  
之各有方

犀角地黄湯

治傷寒及溫病應發汗而不汗內蓄



為瘀血及鼻衄吐血不盡餘血停留  
以致面黃大便黑

犀角一兩 生地黄八兩 芍藥三兩 牡丹皮二兩

右為散每服四錢水一盞半煎七分去滓服狂  
者加大黃二兩黃芩三兩其人脉大來遲腹不  
滿自言滿為無熱但依本方不須加也

汗血證治

病者汗出正赤汚衣名曰汗血又名肌衄皆由大喜  
傷心喜則氣散血隨氣行婦人產蓐多有此症

葳草汁 治產婦大喜汗出汚衣赤色及膏淋尿血

葎草 不拘多少

右一味搗取汁二升和入醋二合空腹飲一杯

或濃煎汁飲亦治淋瀝尿血

便血證治

病者大便下血或清或濁或鮮或黑或在便前或在  
便後或與泄物並下此因內外有所感傷凝停在胃  
隨氣下通亦妄行之類故曰便血

伏龍肝湯 治先便後血謂之遠血 鱖治吐衄

伏龍肝 羊斤 甘草 炙 白朮 阿膠

黃芩 乾地黄 千金作乾姜各三兩

石剉散每服五錢水一盞煎七分去滓空腹溫

服 一法有炮附子三兩

千金方有生乾姜無乾地黄

當歸赤小豆湯 治先血而後便謂之近血

赤小豆

五兩浸令芽出晒乾一法熬令折用

當歸

一兩

石為末漿水調服方寸日三四服

風痢下血證治

病者因風停於膚腠乘虛入腸胃風動其血故便清血或下瘀血注下無度名曰風痢古方以此為蠱痢非也

胃風湯

治大人小兒風冷乘虛入客腸胃水穀不化泄瀉注下及腸胃濕毒下如豆汁或下瘀血日夜無度

人參

白茯苓

川芎

桂心

當歸

白芍藥

白朮分等

右為剉散每服四錢水一盞半粟米百粒煎七分去滓空心稍熱服

料簡便血

夫便血有腸痔蠱毒熱痢酒痢血枯肺痿等別有門類其如風痢亦當在痢門以純下清血故附於此不



可不知

尿血證治

病者小便出血多因心腎氣結所致或因憂勞房室  
過度此乃得之虛寒故養生云不可專以血得熱為  
淖溢為說二者皆致尿血與血淋不同以其不痛故  
屬尿血痛則當在血淋門

髮灰散 治小便尿血或先尿而後血或先血而後

尿亦遠近之謂也

髮灰腫草云能消瘀血通關格利水道破癥瘕癰

血嗽

右一味每用三錢以米醋二合湯少許調服并  
花水調亦可兼治肺疽心衄內崩吐血一二口  
或舌上出血如鍼刺孔若鼻衄吹內鼻立已  
一法椶櫚燒灰米飲調下大治大小便下血  
又一法同葵子等分為末米飲調服二錢治轉  
胞尤妙

玉屑膏 治尿血并五淋沙石疼痛不可忍受者

黃芪 人參等分

右為末用紅蘿蔔皮以大者切一指厚三指大  
四五片蜜淹少時蘸蜜炙乾復蘸盡蜜二兩為

度勿令焦炙熟點黃芪人參末喫不以時服以  
鹽湯送下

癥瘕證治

癥瘕積聚隨氣血以分門故方云以癥瘕屬肝部積  
聚屬肺部不亦明矣况七者火數屬心蓋血生于心  
八者木數屬肝蓋血歸于肝雖曰強分理似不混夫  
癥者堅也堅則難破瘕者假也假物成形然七癥八  
瘕之名經論亦不詳出雖有蛟龍蛇鱉肉髮蟲米等  
七證初非定名偶因食物相感而致患耳若婦人七  
癥八瘕則由內外不內外因動傷五藏血氣而成古

人將婦人病為瘡疾以蛟龍等為生化然亦不必如此執泥婦人癥瘕並以瘕為血病蛟龍魚鱉等事皆出偶然但飲食間誤中之留聚腹藏假血而成自有活性亦猶永徽中僧病噎者腹有一物其狀如魚即生瘕也與夫宿食停凝結為坯塊雖內外所感不同治法當以類相從所謂醫者意也如以敗梳治蟲瘕銅屑治龍瘕麴蘖治米瘕石灰治髮瘕如此等類方論至多不復繁引學者可以理解

大消石丸

治七瘕八瘕聚結坯塊及婦人帶下絕

產并欲服丹藥腹中有瘕瘕者當先下



之此藥但去癥瘕不令人困

消石

兩六

大黃

兩八

人參

兩三

甘草

兩三

右為末以三年苦酒三升置銅器中以竹作准

每一升作一刻拄器中先內大黃常攪不息使

微沸盡一刻乃內餘藥又盡一刻極微火熬之

使可丸則丸如鷄子黃大若不能服大丸則作

小丸如梧子大米湯下三十九四日一服婦人

服之或下如鷄肝或如米泔正赤黑等三二升

下後忌風冷自養如產婦

小三稜丸

治食癥酒癖血癥氣塊時發刺痛全不

思食及積滯不消心腹堅脹痰逆嘔噦  
噫醋吞酸脇肋刺痛胸膈痞悶并脾氣  
橫泄

京三稜

蓬莪朮

各四兩

右同入磁器中用米醋五升滿浸封器口以炭  
火煨令乾取出稜朮將芫花以餘醋炒令微焦  
焙乾為末醋糊丸如菉豆大每服十五丸生姜  
湯下婦人血分病男子脾氣橫泄腫痛如水用  
素白皮煎湯下

三聖丸 治積年堅癥堅瘕癖塊諸藥療理不差者

至妙

舶上硫黃兩一

水銀兩半

碓砂去砂石一分

右三物乳粗內滾研如粉却以生鐵銚內用文武火熬溶成汁以火筋攪令勻停冷刀剡下以紙裹置地坑內埋一宿取出再研細次以

赤芍藥

當歸

京三稜

莪朮

紅花

各一分

並細剉以清酒一升煎及一半瀝出砂盆內研以生布絞汁再熬放冷入飛羅麪為糊搜丸如菘豆大治因產後傷於飲食結伏在腹脇時發疼痛不可忍者當歸浸酒一升逐旋取酒暖下

七九至十九磨癥塊空心溫酒下三九至五九  
所餘藥滓製了培乾為末別入

乾地黄

兩半

真蒲黃

芫花

各一分  
炒焦黃醋

石為末如前一般糊丸如菘豆大治女人血歲  
冷氣攻心疼痛及一切血疾溫酒下十九

一握七丸

治臟腑宿蘊風冷氣血不和停滯宿飲

結為癥瘕坯塊及婦人血癥腸胃中寒

飲食不下欬逆脹滿及下痢赤白霍亂

轉筋及踈躄拳攣腰脊脚膝疼痛行步

不能常服健脾暖胃堅骨強陽



神麩半斤炒黃

大附子二斤製

炙甘草二兩

石為末蜜丸每以左手一握分作七丸每服一

丸細嚼米飲下

妙應丹

治諸藏氣虛積聚煩悶及飲食中蠱毒并

食水陸果蔬子邪入腹而成蟲蛇魚鱉或

宿食留飲婦人產後敗血不消女子月水

不通結為癥瘕時發寒熱唇口焦黑肢體

瘦削嗜臥多魘食少腹痛大便糟粕變成

冷痢

附子

四個六錢

錢重者生去皮

錢拌麩濟農煨熟去麩不用

錢重者生去皮

錢重者生去皮

錢重者生去皮

葦撥

木香炮

青皮

破故紙

炒各三兩半

右為末麩糊搜丸如梧子大每服三十九生姜橘皮湯下泄利米湯下加五十九

### 癩癩叙論

夫癩癩病皆由驚動使藏氣不卒鬱而生涎閉塞諸經厥而乃成或在母胎中受驚或幼小感風寒暑濕或飲食不節逆于藏氣推而詳之三因備具風寒暑濕得之外驚恐震懾得之內飲食饑飽得之屬不內外因三因不同忤氣則一傳變五藏散及六府溢諸脉絡但一臟不卒諸經皆閉隨其藏氣證候殊分所

謂象六畜分五聲氣色脉證各隨本歲所感所成而生諸證古方有三癩謂五臟癩六畜癩方至一百二十種癩以其稟賦不同歲府強弱生理靜躁故諸證蜂起推其所因無越三條病由都盡矣

癩癩證治

病者旋眩顛倒吐涎沫搐搦騰踴作馬嘶鳴多因挾熱着驚心動膽懾鬱涎入心之所致也名曰馬癩以馬屬在午手少陰君火主之故其病生于心經

病者暈眩昏悶四肢煩疼顛倒掣縱吐沫作羊呌聲多因少小臍瘡未愈數洗浴濕襲脾經之所致也名

曰羊癇以羊屬未坤位足太陰濕土主之故其病在  
于脾經

病者昏暈顛倒兩手頻伸叫作鷄聲須臾即醒、後  
復發多因少小躁氣傷胃煩毒內作鬱涎入胃之所  
致也名曰鷄癇以鷄屬酉足陽明燥金主之故其病  
生于胃經

病者眩暈顛倒眼目相引牽縱急強作猪叫鳴吐涎  
沫食頃方已多因少小吐利挾風之所致也名曰猪  
癇以猪屬亥手厥陰心胞絡風木主之故其病生于  
腎經



病者眩暈顛倒目反口噤瘰縱吐沫作牛吼聲多因少小濕熱傷肺涎留肺系遇燥熱則發動名曰牛癩以牛属丑手太陰濕土主之故其病生于肺經

六珍丹

治風癩失性顛倒欲死或作牛吼馬嘶并

鷄鳴羊叫猪嗥等音聲歲府相引氣爭掣

縱吐沫涎流久而蘇醒

通明雄黃

葉子雌黃

未鑽珍珠

各一兩

鉛二兩成屑兩熬

丹砂兩

水銀一兩

右研極細令勻蜜丸如桐子大每服三丸至五

丸姜枣湯下其藥搗二三萬杵方可丸

礬丹 治五癩百癩不問陰陽冷熱

靛丹 晉礬各一兩

右用磚鑿一窠可容二兩許先安丹在下次安礬在上以白炭五斤煨令炭盡取出細研以不經水猪心血為丸如菉豆大每服十九至二十丸橘皮湯下

大鎮心丹 治一百二十種癩癩驚狂謔妄顛倒昏不知人嘔吐涎沫及治心驚胆寒清不睡或左脇偏疼

辰砂 用黃松節同酒煮 龍齒 用遠志苗浸酒煮

右只取辰砂龍齒各等分為末猪心血為丸如  
 鷄子大每服一丸以麥門冬葉菜豆燈心生姜  
 白蜜水煎豆熟為度臨卧以湯嚥下小兒磨化  
 半丸量歲與之

蛇黃丹 治五臟六腑諸風癩瘡倒掣縱吐涎沫不

識人及小兒急慢驚風

蛇含石

四個建蓋內煨紅以猪胆汁一盃淬乾

天南星 炮

白附子

辰砂 另研

麝香 另研各半兩

右為末糯米糊為丸如桐子大每服温湯磨化  
 一丸量大小與服大人嚼細三五丸温酒米湯

師本無白附辰砂射香

任下

凡例

夫五癰合屬五藏而無腎有胃者以腎屬鼠非畜養之物神無主治故不作癰胃屬鷄係六畜物故有象且胃為五藏海非餘府比又犬屬戌手少陽小腸主之雖屬六畜初無犬癰者以辰戌為魁罡四殺沒處不與癰象古方類例未之究也學者宜知之

狂證論

夫三陽并三陰則陽虛而陰寔故癰三陰并三陽則陰虛而陽實故狂陽入陰其病靜陰入陽其病怒



則狂矣病者發狂不食棄衣奔走或自稱神聖登高  
 笑歌踰墙上屋所上之處非人所能罵詈妄言不避  
 親踈病名曰狂多因陽氣暴折畜怒不決之所致故  
 經曰陽明常動太陽少陽不動不動而動為大疾此  
 其候也

鎮心丹 治心氣不足病苦驚悸自汗心煩悶短氣

喜怒哀憂恚不自知亡魄失魂狀苦神靈

所憑及治男子遺泄女子帶下

光明辰砂 研

白礬

煨汁盡  
各等分

右為末以水為丸如鷄頭大每服一九煎人參

湯化下食後服

大補心湯 治憂思愁慮過多致神志不寧魂魄失

守靈陽外泄則自汗嘔吐瀉利頻煩諸

證必生則語言重復忪悸眩暈兼治大

病後虛煩不得眠羸瘦困乏及婦人胎

前產後恚能主之常服安心神調血脈

鎮驚補虛

黃芪炙蜜

茯神

人參

酸棗仁炙

熟地黃各兩

五味子

柏子仁另研

遠志

去心炒各半兩

右為末蜜丸如桐子大用辰砂為衣每服三十

丸米湯溫酒任下

盜汗不止麥麩湯下亂夢失精人參龍骨湯下  
卒暴心痛乳香湯下肌熱虛煩麥門冬下吐血  
人參卷柏下大便下血當歸地榆湯小便尿血  
赤茯苓湯下中風不語薄荷牛黃湯下風癩涎  
潮防風湯下

礬石丹

治狂證亦妙

方見癩癩門

凡傷寒陽毒及蓄瘀血皆有發狂各見本門

九痛叙論

夫心痛者在方論則曰九痛內經則曰舉痛一曰卒  
痛種々不同以其痛在心脘故總而言之曰心痛其  
實非心痛也若真心痛則手足青至節若甚者旦發  
夕死夕發旦死不在治療之數方中所載者乃心主  
胞絡經也若十二經絡外感六淫則其氣閉塞鬱於  
中焦氣與邪爭發為疼痛屬外所因若五藏內動汨  
以七情則其氣痞結聚于中脘氣與血搏發為疼痛  
屬內所因飲食勞逸觸忤非類使藏氣不平痞鬲於  
中食飲遁症變亂腸胃發為疼痛屬不內外因治之  
當詳內外三因通中解散破積潰堅隨其所因無使



混濫依經具錄諸證以備治法云爾

外所因心痛證治

足厥陰心痛兩脇急引小腹連陰股相引痛手少陰  
心痛心痛徹背心煩掌中熱咽乾目黃赤脇痛足太  
陰心痛腹脹滿濇然大便不利鬲閉咽塞手太陰  
心痛短氣不足以息季脇空痛遺矢無度胸滿煩心  
足少陰心痛煩劇面黑心懸若飢胸滿腰脊痛背輸  
諸經心痛心與背相引心痛徹背背痛徹心諸府心  
痛難以俛仰小腹上衝卒不知人嘔吐泄瀉此皆諸  
俞諸府諸經涉邪所致病屬外所因

內所因心痛證治

肝心痛者色蒼々如死灰狀終日不得太息真心痛者手足青至節旦發夕死夕發旦死脾心痛者如針錐刺其心腹蘊々然氣滿肺心痛者若從心間起動作痛益甚色不變腎心痛者與背引相善癒如物從後觸其心僂僂胃痛者腹脹滿不下食々則不消此數者皆藏氣不平喜怒憂鬱所致屬內所因

不內外因心痛證治

久積心腹痛者以飲啖生冷果食中寒不能消散結而為積甚則數日不能食便出乾血吐利不定皆由

積物客于腸胃之間遇食還發名積心痛及其藏寒  
生蛇致心痛者心腹中痛發為腫聚往來上下痛有  
休止腹熱涎出病屬不內外因方論中所謂九種心  
痛曰飲曰食曰風曰冷曰熱曰悸曰虫曰注曰去來  
痛者除風熱冷屬外所因餘皆屬不內外因更有婦  
人惡血入心脾經絡發作疼痛尤有甚于諸痛更有  
卒中客忤鬼擊尸症使人心痛亦屬不內外因

三因心痛總治

蜜附湯

治腹心疼痛或吐或泄狀如霍亂及療冒  
涉濕寒賊風入腹拘急切痛

附子

一大枝去皮臍切作四片以白蜜煎  
令附子變色以湯洗去蜜切半兩

桂心

芍藥

各二分

甘草

炙四兩

右剉散每服四大錢水一盞生姜五片棗二枚

煎七分去滓食前服大便秘結入白蜜半匙同

煎

麻黃桂枝湯

治外因心痛惡寒發熱內攻五藏拘

急不得轉動寒也

麻黃

去節湯泡培乾

桂心

白芍藥

細辛

去苗

乾薑

甘草

炙各三分

半夏

湯洗七次

香附

炒去毛各半兩

右剉散每服四錢水一盞生姜五片煎七分去



渣食前服大便秘入大黃如博碁大兩枚煎

加味小建中湯 治心腹切痛不可忍輕按則痛重

按則愈皆虛寒證服熱藥并針灸

不差此藥主之

桂心三分

甘草炙半兩

白芍藥一兩半

遠志去心半兩

右剉散每服四錢水一盞半生姜五片棗一枚

煎七分去滓入飴糖一塊如皂莢子大煎令鎔

化食前溫服

鷄舌香散

治心腹卒痛安胃進食調冷熱定泄瀉

老少通用

丁香一枚

甘草炙半兩

良姜一兩

白芍藥二兩

右為細末每服二錢七陳米飲調下空心食前

服

王啟玄子序云初余為禁隊因此證處與御醫  
今便施用後至富貴乃由此始

訶子散 治心脾冷痛不可忍一服見效及老幼霍

亂吐瀉如神

訶子炮核去

甘草炙

厚朴姜汁製炙

乾姜炮

草果去皮

陳皮 良姜炒

茯苓

神麴炒

麥芽炒各等分

右為末每服二錢候發刺痛不可忍之時用水一

盞煎七分入鹽服如欲速則鹽點

九痛丸

治九種心痛虫痛疰痛風痛悸痛食痛飲

痛冷痛熱痛往來痛兼治卒中惡腹滿脹

痛口不能言又治連年積冷流在心胸作

痛并冷腫痛上氣落馬墜車瘀血等疾

附子三兩製

狼毒炙香

巴豆去皮心膜炒一兩

人參

乾姜

吳茱萸浸洗炒各一兩

右為末煉蜜丸如梧子大每服三丸空心溫酒

下卒中惡心痛不能言服二丸

師本無白木

蘇合香丸

治傳尸骨蒸殭殍肺痿疰忤鬼氣卒心

痛霍亂吐利時氣鬼魅瘴瘧赤白暴利

瘀血月閉痲癩丁腫驚癇鬼忤中小

兒吐乳大人狐狸等病

蘇合香油

入安息香內

薰陸香

別研

龍腦

各一兩

白朮

硃砂

飛研水

青木香

丁香

白檀香

沉香

烏犀

鎊

安息香

別為末用無灰酒一升熬膏

香附

去毛

訶子

煨去核

麝香

華撥

各二兩

右為末用安息香等膏同煉蜜旋丸如梧子大  
早朝用井花水溫冷任意化下四丸老人小兒



一丸溫酒化下亦得祛邪用蠟紙裏一丸如彈子大縫袋盛帶之用絳紗囊亦可勞瘵門亦有  
一方但多乳香一味餘同

撞氣阿魏丸

治九種心痛五種噎疾痞癖氣塊冷

氣攻刺及脾胃停寒胸滿膨脹腹痛  
腸鳴嘔吐醋水丈夫小腸氣婦人血

氣血刺等證

阿魏

二錢半酒浸一宿以麪為糊

甘草

一兩

胡椒

二錢半

茴香

炒

川芎

青皮

陳皮

丁香皮

炒

莪朮

各炒一兩

砂仁

桂心

白芷

各炒半兩

生姜

四兩切作片用鹽一兩淹一宿炒黑色

右為末以阿魏糊為丸如鷄頭大每藥一片用

硃砂七錢為衣丈夫氣痛炒姜鹽湯下二九至

三九婦人血氣醋湯下常服茶酒任下二九並

嚼細嚥食前服

倉卒散

治氣自腰腹間起攣急疼痛不可屈伸腹

中冷重如石痛不忍可自汗如洗手足冰

冷久不差垂死

山梔子

四十九個連皮燒半熟

附子

一枚製

右為末每服二錢酒一小盞入鹽少許煎七分

溫服又治胸痞切痛

失笑散

方見疝門

三因極一病證方論卷九終

三因極一病證方論卷十

宋青田鶴溪陳言無擇編

勞瘵叙論

夫骨蒸殄殍復連尸瘵勞瘵虫瘵毒瘵熱瘵冷瘵食瘵鬼瘵等皆曰儻尸者以瘵者注也病自上注下與前人相似故曰瘵其變有二十二種或三十六種或九十九種大略令人寒熱盜汗夢與鬼交遺泄白濁髮乾而聾或腹中有塊或腦後兩邊有小結核連復



數个或聚或散沉々默々效嗽痰涎或咯膿血如肺痿肺癰狀或復下痢羸瘦困乏不自勝持積月累年以致於死々後乃症易傍人以致滅門者更有飛尸遁尸塞尸喪尸々症等謂之五尸及大小附著等証不一知其所苦無處不惡乃挾諸鬼邪而害人以三因收之內非七情所忤外非四氣所襲雖若處乎不內外因奈其證多端傳變遷移難以推測故自古及今愈此病者十不得一所謂狸骨獺肝天靈蓋銅鏡鼻徒有其說未嘗見效惟膏肓俞崔氏穴若及早灸之可愈若晚亦不濟也近集得經效方有人服之頗

驗漫錄於左餘缺以俟明哲

勞瘵諸方證

病者憎寒發熱自汗面白舌乾口苦精神不守恐畏不能獨卧其傳在肝

病者憎寒發熱面黑鼻燥忽喜忘大便苦難或復泄瀉口瘡其傳在心

病者憎寒發熱面青唇黃舌本強不能嚥飲食無味四肢羸瘦吐涎沫其傳在脾

病者憎寒發熱面赤鼻白乾燥毛拆咳嗽喘急時吐白沫或有血線其傳在肺

病者憎寒發熱面黃耳輪焦枯胛骨痠痛小便白濁  
遺瀝胸痛其傳在腎 所謂勞蒸者二十四種隨證

皆可考尋毛折髮焦肌膚甲錯其蒸在皮

外人覺熱自反惡寒身振濶劇其蒸在肉

髮焦鼻衄或後尿血其蒸在血

身熱煩燥痛如針刺其蒸在脉

爪甲焦枯眼昏兩脇急痛其蒸在筋

版牙黑燥大杼酸疼其蒸在骨

背脊疼痛胛骨酸嘶其蒸在髓

頭眩熱悶口吐濁涎眼多眵淚其蒸在腦

男子失精女人白淫其蒸在玉房

乍寒乍熱中脘與膈中煩悶其蒸在三焦

小便黃赤凝濁如膏其蒸在膀胱

傳道不均或閉或泄腹中雷鳴其蒸在小腸

大腹隱痛舌鼻乾疼其蒸在大腸

口鼻乾燥腹脹睡卧不安自汗出其蒸在胃

口苦耳聾脇下痛其蒸在膽

裏急後重肛門塞閉其蒸在迴腸

小腹疔痛筋脉緩陰氣自重強中其蒸在宗筋

眼昏淚下時復眩暈躁怒不常其蒸在肝



舌焦黑氣短煩悶洒淅其蒸在心

唇乾口瘡胸腹脹悶畏寒不食其蒸在脾

咳嗽喘滿吐痰咯血聲嘶音啞其蒸在肺

耳輪焦枯脚氣痠疼起居不得其蒸在腎

情志不寧无故精泄白物綿綿而下其蒸在右腎心

主胞絡

心曩噎塞攻擊疼痛俯仰煩寃其蒸在曩

諸症雖曰不同其根多有虫啣其心肝治之不可不

絕其根也

勞瘵治法

取勞虫方

青葉皮

柳枝

石榴皮

桃枝

梅枝

各七莖各長四尺許

青蒿

一把

右用童便一升半葱白七莖半煎及一半去滓

入安息香阿魏各一分再煎至一盞瀝清調朱

砂末五分檳榔末一分麝香一字分作二服調

下五更初一服五更三點時一服至巳牌時必

取下虫紅色者可救青色者不治見有所下即

進軟粥飯溫暖將息不可用性及食生冷毒物

合時須擇良日不得令猫犬孝服穢惡婦人見

神授散

治諸勞氣傳尸殺虫方得之於清源郡王

府

川楸

二斤去目并合  
口者炒去汗

右為末每服二錢空心米湯下酒痺悶眩暈少  
項如不能禁即以酒糊為丸桐子大空心米湯  
服至三五十九

昔人嘗與病勞婦人交婦人死遂得疾遇一異  
人云氣已入歲遂與此方令急服二片其病當  
去如其言服之發盡大便出一虫如蛇自此遂  
安續有人服之獲其效者多矣

潤神散 治勞瘵增寒發熱口乾咽燥自汗疲劇煩

躁

人參 黃芪 麥冬 桔梗 炙草 沒竹葉

右為末每服二錢自汗加小麥同煎

溫金散 治積勞欬嗽喘悶咯痰其中有血

杏仁 去皮共以五味各一兩米泔浸一宿取出曬乾去五味不用畧炒 麥冬 錢一

茯苓 錢五 防風 黃芩 錢五 甘草 桑皮 錢五

右為末每服二錢入黃蠟如指大同煎七分食

後熱服

蛤蚧散 治積勞久嗽失音



蛤蚧一對去口足水浸去膜

訶子 阿膠

熟地 麥冬 細辛 甘草各五錢

右為末蜜丸皂莢子大每服一九含化不拘時

服

蘇合香丸 治傳尸骨蒸殭殭肺痿症忤鬼氣心痛

霍亂時氣瘴瘧甚有效

方見卷九心痛門

此方多乳香一味并用黃蠟為丸

症忤中惡證治

病者卒心腹脹滿吐利不行如乾霍亂狀世所謂中

惡是也由人精神不全心志多恐遂為邪鬼所擊或復附着沉々默々寢寐謔語誹謗罵詈許露人事不避嫌疑口中好言未然禍福及至其時毫髮無失人有起心已知其肇登高涉險如履平地或悲泣呻吟不欲見人其狀萬端如醉如狂不可概舉此皆鬼神及諸精魅附着惑人或復觸犯忌諱土地神靈為其所作非有真寔但隨方俗考驗治之

還魂湯

治卒中惡感忤鬼擊飛尸諸奄忽氣絕無

復知覺或已死絕口噤不開扶齒下湯或下湯八口不吞者分病人髮左右捉踏肩

引之藥下復增取盡一升須臾立蘇

麻黃

三兩去節煮過

桂枝

二兩一法用桂心

甘草

一兩

杏仁

去皮尖二百十五粒

右剉散每服四錢水一盞半煎七分去滓服或

灌之

桃奴丸

治心氣虛有熱恍惚不常言語錯亂尸疰

客忤魘夢不祥小兒驚癇並宜服之

桃奴

七枚另研

朱砂

五錢另研

牛黃

另研

龍腦

另研各一分

桃仁

十四粒去皮尖麩炒

生玳瑁

一兩

雌黃

桃葉飛三斤煮水

黑犀

錢五

麝香

一兩另研

琥珀

三分另研

安息香

一兩無灰酒洗去砂以銀  
器入桃仁琥珀熬成膏

右為末和入前膏搗為丸如芡寔大陰乾八磁

器封閉靜室安置煎人參湯研下一丸食遠臨

卧各一服

蘇合香丸 治卒中惡忤症

方見卷九心痛門

蠱毒叙論

廣西閩中山間人以蛇虺蜈蚣蜒蚰蝦蟆等百虫同  
器畜之使其自相食啖勝者為靈以事之取其毒雜  
以菜菓飲食之類以害人妄意要福以圖富貴人或



中之證狀萬端廣如治百蠱說或年歲聞人多死又有人家香火伏事如家先者亦謂之蠱能病人世謂之蠱注以姓類屬五行謂之五蠱此皆邊鄙邪僻之地多有此事中都則蔑聞也

中蠱證治

夫中蠱毒者令人心腹絞痛如有物嚙吐下之血皆如爛肉若不急治食人五藏即死驗之令病人唾涎水中沉者即是中蠱有人行蠱毒以害人若欲其知姓名者以敗鼓皮燒作末飲服方寸已須臾自呼蠱家姓名可語令呼喚將去則愈治之亦有方

丹砂丸 治毒後酒食中下蠱者端午日合

辰砂另研 雄黃另研 赤足蜈蚣 隨續子各一兩

麝香一分

右為細末糯米飲為丸如鷄豆大若覺中毒以酒下一丸如蛇蝎所螫醋磨塗之

凡例

凡諸蠱多皆是假蠱毒藥以投之知時宜煮大豆甘草薺芫汁飲之通除諸藥毒

礬灰散 治中諸物毒

晉礬 建茶各等分

右為末每服三錢以新汲水調下得吐即止未

知再作

解毒丸 治誤食毒草并百物毒救人於必死

貫仲去毛

青黛

甘草略一兩

板藍根

四兩洗淨日曬乾

右為末蜜丸如桐子大以青黛為衣如稍覺精

神恍惚惡心即是誤中諸毒急取藥五十九嚼

爛用新汲水送下即解此方傳自異人京師陳

道士用水浸炊餅為丸尤妙亦解暑毒

青黛雄黃丸

凡始覺中毒及蛇虫咬癰疽纔作即

服此令毒氣不聚

上好青黛 雄黃分等

右為末新汲水調下二錢

凡中毒嚼生黑豆不知腥氣嚼白礬味甘者此皆中  
毒無疑

蛇虫傷治法

白芷散 治惡蛇咬傷頻仆不可療者

香白芷味

右為末水調下頃刻咬處出黃水盡腫消皮合

白礬半夏散 治蝎螫痛不可忍

白礬 半夏分等



右為末以釀醋調貼患處

五絕治法

凡壓寐產乳自縊壓溺五者令人卒死為之五絕

半夏散 治壓寐卒死及為墻屋木磚竹所壓水溺

金瘡卒致悶絕產婦惡血衝心諸暴絕症

半夏

湯泡去滑七次

右一味為末大豆許吹鼻中立醒但心頭溫者

一日可治

牡丹散 治產後血暈悶絕若口噤則拘攣灌之必

效

丹皮 大黃 芒硝 各一兩 各瓜子 半合

桃仁 去皮共廿七粒

右咬咀每服五錢水三盞煎一盞半去滓入芒硝再煎分二服

救自縊法

徐々抱解不得截繩上下安被臥之一人以脚踏其兩肩手少挽其髮常令弦々勿縱之又以手按胸上數動之一人摩捋臂脰屈伸之若已僵但漸屈之并按其腹如此一炊頃氣後口出呼吸眼開而猶引按莫置亦勿勞之須臾可少進湯及粥清含與之令喉

漸濡漸、能嚙乃稍止耳外令以管吹其兩耳更妙此法最善無不活自旦至暮雖冷亦可自暮至旦者少難

救壓死方

以死人安着將兩手袖掩其鼻口眼上一食頃即活眼開乃與熱小便若初覺氣絕而不能言可急劈開口以熱小便灌之打撲悶絕者亦可用此

夫壓死折傷維禮法君子守巖堂垂墻之戒固无是事然安車良馬時有跌足奔輪步砌臨流未免虛舟飄瓦况行商征賈捕獺漁人涉歷既多不測尤甚其

如冤仇加害凶險劫持打撲金瘡皆致天枉治之不可不急也

鷄鳴散

治從高墜下及木石所壓凡是傷損血瘀凝積氣絕欲死并久積瘀血煩燥疼痛破腫叫呼不得並以此藥利去瘀血即愈此藥能推陳致新

方見折傷瘀血條下

右研細酒一盞煎六分去滓鷄鳴時服次日取下瘀血即愈若氣絕不能言取藥不及即劈開口以熱小便灌之



# 太嶽活血丹

治男子婦人外傷內損狗咬虫傷驢

馬撲墜刺脇築心及左癱右瘓走注

疼痛手足折傷一切疼痛腹中瘀血

產後敗血灌注四肢並宜服之

花素枝

取臂大者炭火煨赤烟盡泮於米醋中取出焙乾一斤

京墨

半斤一半用草麻三兩研細塗墨上塗盡以薄紙裹黃泥固濟候乾以火煨通紅冷地上蓋去火性一半用醋化硃砂二兩塗墨上令盡以火炙乾

大黑豆

一斤去皮焙乾

亂髮

二斤存性煨

栗楔

一斤栗蓬中心扁者薄切晒乾

乳香

四兩細研入米醋一碗熬膏

皂角刺

一斤燒通赤泮米醋內焙乾

右六味為末入乳香膏內和杵三千下丸如彈

子大如膏少加醋和丸痛甚者每服一丸輕者  
半丸以無灰酒一盞乳香一豆大先磨香盡次  
磨藥盡煎三五沸臨臥時溫服以痛處就床卧  
如欲出汗以衣被覆之仍用藥塗磨損處忌食  
一切動風物婦人諸疾服者用當歸一錢依法  
煎服有孕勿服

接骨散 治跌撲手脚胫骨脆折

水蛭

不拘多少於新瓦上  
熬令香熟勿太過

右為末每服一錢熱酒調下八麝香半錢折處  
不可手觸藥行良久覺痛折處漸痒如蟻嗜之

狀遂要人捻揉骨折處相接即用杉木夾縛兩  
三日去之骨全矣

花藥石散

治一切金瘡打撲傷損或內損血入藏

府壅溢作衄及婦人產後敗血不散

方見卷九不內外因衄血條下

白芨散

治鼻衄即止

方見卷九不內外因衄血條下

救溺死法

灶中灰急將溺者埋灰中從頭至足皆到水出七八

升即活

驚悸證治

夫驚悸與怔忡不同驚悸則因事所大驚或聞虛响  
或見異相登高涉險夢寐不祥驚忡心神氣與涎鬱  
遂使驚悸名曰心驚膽寒在心膽經屬不內外因其  
脈必動夫怔忡則因及之富貴戚之貧賤久思所愛  
遽失所重觸事不意氣鬱涎聚遂致怔忡在心脾經  
意思所主屬內所因或冒寒暑濕閉諸經令人忽々  
若有所失恐懼如人將捕之狀中脘怔忡此乃外邪  
非因心病况五飲停蓄閉於中脘最使人怔忡治屬  
飲家除飲悸與內外因所治各見本門



温膽湯

治心膽虛怯觸事易驚或夢寐不祥或見

異物致心驚膽懾氣鬱生涎、與氣搏變

生諸證或短氣忪悸或體倦自汗四肢浮

腫飲食無味心虛煩悶坐卧不安

方見虛煩門

鎮心丹

大治驚悸

方見狂証條下

小定志丸

治心驚膽懾

遠志

姜汁淹炒

菖蒲

各二兩

茯苓

茯神

人參

各一兩

石為末蜜丸如桐子大水飛朱砂為衣米湯下  
五十九

寒水石散 治因驚心氣不行鬱而生涎、結為飲  
遂為大疾忪悸煩懣不自勝持少小遇  
驚尤宜服之但中寒者不宜服

寒水石

煨

滑石

煨各兩

甘草

錢一

石為末每服二錢熱則新汲水下怯寒則姜枣  
湯下入龍腦少許尤佳小兒量歲大小與之

自汗證治

夫自汗多因冒風傷暑及喜怒驚恐房室虛勞皆能

致之無問睡醒津之自出名曰自汗或睡着汗出名曰盜汗若其飲食勞碌負重涉遠登高疾走因動汗出非自汗也人之氣血猶陰陽之水火平則寧偏則過陰虛陽必湊之故發熱自汗如水之熱而自湧陽虛陰必乘之故登厥自汗如水之溢而自流考其所因風暑涉外喜怒驚恐涉內房室虛勞涉不內外因理亦甚明其間如歷節腸癱腳氣產蓐等病皆有自汗治之當推其所因為病源無使混濫如經脈別論所載但原其汗所自出處初非自汗證不可不知

正元散 治下元虛臍腹脹滿心脇刺痛泄利嘔吐

自汗陽氣漸微手足厥冷及傷寒陰証霍亂轉筋久下冷利少氣羸瘦一切虛寒並宜服之常服助陽消陰正元氣溫脾胃進飲食

人參 茯苓 白朮 甘草 黃芪 烏藥

山藥 姜汁炒 附子 川芎 乾葛 各一兩

烏頭 炮去皮臍 桂心 各五錢 紅豆 乾姜

橘皮 各三錢

右為末每服二錢生姜三片棗一枚鹽少許煎七分食前溫服自汗加浮小麥



牡蠣散

治諸虛不足及新病暴虛津液不固体常

自汗夜臥即甚久而不止羸脊枯瘦心忪

驚惕短氣煩倦

牡蠣

米泔浸

麻黃根

黃芪

各一兩

右剉散每服三錢浮小麦百粒同煎

一法為細末每服三錢葱白三寸水二盞煎一

盞半分二服

小麦煎散

治榮衛不調夜夢盜汗四肢煩疼飲食少

膏瘦黃

秦艽

鱉甲

醋煮三五沸去裙用酥塗炙

柴胡

各二兩

乾漆炒烟盡

人參 茯苓

乾葛

川烏

炮去皮  
共各一兩

玄參

右為末每服二錢先用小麥二撮煎湯一盞去  
麥入藥煎七分臨卧服如久患病后亦宜服此  
以其退勞倦調理經絡也

桂枝湯

治傷風自汗

方見卷四傷風門

卻暑散

治傷暑自汗

方見卷五傷暑門

防己黃芪湯

治傷濕自汗

方見卷五風濕寒証治門

溫粉 止汗

方見傷寒門

消渴叙論

夫消渴皆由精血走耗津液枯乏引飲既多小便必  
多浸淫衰微肌肉脫削諸脉不榮精髓內竭推其所  
因涉內外不內外古方不原病本但出禁忌似屬不  
內外因藥中用麻黃遠志得非內外兼并况心虛煩  
悶最能發渴風寒暑濕病冷作熱入于腎經引水自  
救皆明文也不知其因施治錯悞醫之大患不可不

知

三消脉證

渴病有三曰消渴消中消腎消渴屬心故煩心致心  
火散蔓渴而引飲經云脈軟散者當病消渴諸脈軟  
散皆氣血虛也消中屬脾痺熱成則為消中消中復  
分為三有熱中寒中強中寒中者陰勝陽也鬱久必  
為熱中經云脈洪大陰不足陽有餘則為熱中多食  
數溲為消中陰狂興盛不交精泄則為強中三消病  
致強中亦危矣消腎屬腎壯盛之時不自謹惜快情  
恣慾極意房帷年長腎衰多餌丹石真氣既喪精衰



孤立唇口焦乾精溢自洩不飲而利經云腎實則消  
不渴而小便自利名曰腎消亦曰內消

三消治法

真珠丸

治心虛煩悶或外傷暑熱內積愁煩酣飲  
過多皆致煩渴口乾舌燥引飲無度小便

或利或不利

知母

兩一

川連

兩一

苦參

兩一

元參

無一法

鐵孕粉

兩一

牡蠣

兩一

朱砂

兩二

麥冬

花粉

各五錢

銀箔

片一百

金箔

片二百

一法有白扁豆一兩

右為末以蜜入生花粉汁少許為丸如桐子大

用金銀箔為衣每服二十九先用生花粉汁下

二服次用麥冬煮熟水下病退日二服忌炙燥

酒色次投茯苓丸補之

一方無元參有扁豆一兩

茯苓丸

茯苓

酒浸

磁石

醋淬

熟地

山萸

桂心

山藥

牛膝

茯苓

黃芪

鹽水炒

遠志

炙黃廬茸

去毛切片  
醋浸酥塗

石斛

覆盆子

五味子

萆薢

破故紙

巴戟

去心酒浸

兔絲

酒浸

龍骨

杜仲

姜汁炒  
各五錢

附子

六錢製

師本有澤瀉  
無五味

右為末蜜丸如桐子大空心米湯下五十九

姜粉散

治消中多因外傷痺熱內積憂思喜飲鹽

食及麪致脾胃乾燥飲食倍常不為肌膏

及大便堅鞭小便無度

生姜

輕粉

右等分為末搜勻每服二錢長流水調下服此

齒浮是效次投附子猪肚丸

附子猪肚丸

附子

檳榔

各一兩

鱖魚甲

一兩

當歸

知母

木香

川練

秦艽

大黃

龍胆

白芍

破故紙

枳壳

錢五

右為末分作三分將二分入猪肚內縫定以蜜

酒三升童便五升同入砂鍋內煮爛擣細入前

藥末一分同搜搗為丸如桐子溫酒米湯任下

五十丸

烏金散

治熱中多因外傷燥熱內因用意傷脾飲

啖肥膩熱積胸中致多食數溲小便過於

所飲亦有不渴而飲食自消為小便者

黃丹

京墨

煨各一兩

右研勻每服三錢食后先用水一碗嗽口待心



中熱索水便以冷水調下

爛金丸

治熱中消渴止后将此補精血益諸虛解

勞倦去骨節間熱定心強志安神定魄固

藏府進飲食生瘍瘡

猪肚斤一

黃連斤三十

兩十

蜜

生姜

各二兩

先将猪肚洗净復以葱麩醋枳等控乾用前藥

同水酒八銀石器內煮半日漉出黃連洗出蜜

酒令盡剉研細為末再用酒調膏入洗净猪肚

內縫定八銀石器內水熬爛研為膏搜入下項

藥

水煎然藏

人參兩二

黃芪兩四

五味

山藥

杜仲

石斛

山萸

車前

鱉甲

熟地

當歸

新蓮肉兩各二

槐角

茯苓

磁石兩各一

川芎

沉香錢五

麝香錢一

兎絲兩一

右為末用猪肚膏搜和得所如膏少則添熟蜜

杵干餘下丸如桐子大食前温酒糯米湯下五

十丸

一法有白朮二兩陽起石一兩

石子薺芫丸

治強中多因耽嗜色慾及快意飲食

或服丹石真氣既脱致煩渴飲水飲

食倍常陰器常興不交精出故中焦  
虛熱注於下焦三消之中最為難治

薺芫

石羔各二兩

人參

茯苓

花粉

磁石

知母

乾葛

黃芩

甘草各二兩

右剉散用水三盞猪腰子一隻去脂膜同黑豆

一合煮至一盞半去腰子黑豆入藥四錢煎七

分去滓食後服下焦熱則夜間服渴止勿服次

投補藥

黃連猪肚丸

治強中消渴先服石子薺芫湯病若

退可服此補養

黃連

梁米

花粉

茯神

各四兩

知母

麥冬

各二兩

右為末用猪肚洗淨入藥末縫定甑中炊爛取出藥別研猪肚為膏搜前藥得所乾即添蜜少許杵數千下丸如桐子大食前米湯服三五十

丸

胡桃丸

治消腎亦曰內消多因快情縱慾極意房

中年少而惧不能房事多服丹石及失志

傷腎遂致唇口乾燥精溢自出或小便黃

赤五色浮濁大便燥寔小便大利而不渴



師本輕粉作  
蛤粉

茯苓 胡桃肉 附子一枚去皮臍切片姜汁

右等分為末蜜丸如桐子大米飲下三五十九

古瓦湯 治消腎消中飲水無度小便頻數

乾葛 花粉 人參 鷄脰脰洗淨焙乾各等分

右為末每服二錢用多年古瓦碓碎煎湯調下

不拘時候服

鹿茸丸 治失志傷腎、虛消渴小便無度

鹿茸去毛切片三分 麥冬二兩 熟地 黃芪

鷄脰脰炒麩 茯苓 山萸 破故紙 牛膝

五味各三分 茯苓 玄參各五錢 人參三分

地骨皮錢五

石為末蜜丸如桐子大空心米湯下三五十九

遠志丸 治心腎虛煩渴引飲胸間短氣小便自利

白濁泄遺

人參 茯苓 炮姜 牡蠣 遠志姜汁炒 各一兩

石為末用茯苓一兩酒熬成膏搜和為丸如桐

子大糯米湯下五十丸

六神湯 治三消渴疾

蓮房 乾葛 枇杷葉 炙草 花粉 黃芪各等分

石剉散每服四錢水二盞煎七分空心服

小便不利加茯苓

童子素白皮湯 治三消渴病或飲多利少或不飲

自利肌膚瘦削四肢倦怠常服補

虛止渴利便

童根素白皮 未移裁者取根去粗皮晒乾不焙 茯苓 人參

乾葛 山藥 桂心 各一兩 甘草 五錢

石剉散每服四錢水二盞煎七分去滓空心服

玄兒丹 治三焦渴利神藥常服固精止白濁延年

免絲子 酒浸透軟乘濕焙乾十兩 茯苓 新蓮肉 各三分

五味子 酒浸七兩

師今無炙草

石為末另研山藥末六兩將所浸酒餘者添酒煮

糊搜和擣千杵丸如桐子大米湯下五十丸

梅花湯 治三消渴利如神

糯穀 素白皮 等

石咬咀服一兩許以水一盞煎半盞渴則飲不  
拘時服

猪脊湯 治消渴疾

大棗九四枚 新蓮肉九四粒 西木香一錢五分

炙草二兩

石用雄猪脊筋一尺二寸用水五碗於銀石器

內同煎去滓取汁一碗空服任意呷服



八味丸 治消渴小便多

熟地

兩八

山藥

兩四

山萸肉

兩四

茯苓

丹皮

兩各三

肉桂

附子

兩各一

右為末蜜丸如桐子大空心温酒鹽湯任下五

十九

文蛤散

治渴欲飲水不止

文蛤

即五倍子最能回津

此註恐非

石為末以水調方寸匕不拘時服

烏梅木瓜湯

治酒食過度中焦蘊熱煩渴枯燥小

便反多遂成消中兼治瘴渴所謂瘴

渴者北人往南方瘴地多此疾

乾木瓜

烏梅

芡芽

草果

去皮炒

甘草

各五錢

右剉散每服四錢生姜五片水二盞煎七分去

滓不以時服

羊乳丸

治嶺南山瘴風熱毒氣入腎中變寒熱脚

弱虛滿而渴

黃連

生花粉汁

生地汁

羊乳

或牛乳入乳亦可

右以三汁搜和為丸如梧子大每服米飲下三

十丸

一法濃煮小麥粥飲下

又云渴人病愈須防發癰疽宜服忍冬丸

### 忍冬丸

忍冬草

不以多少根莖花葉皆可  
用一名老翁鬚一名蜜啜花  
一名金銀花

右以米麴酒入於瓶內浸以糠火煨一宿取出

晒乾入甘草末少許即以所浸酒為糊丸如桐

子大每服五十丸至百丸酒飲任下不以時服

此藥不特治癰疽亦能止渴

山谷兔絲子酒

治渴疾

兔絲子

右一味不拘多少以酒浸炒服甚效

黃芪甘草湯

黃芪兩六 甘草兩一

右剉散每服四錢水煎服之尤妙

麥門冬煎 治諸渴

麥冬 人參 黃芪各二兩 茯苓 山萸

山藥 桂心各一兩半 黑豆三合另研皮 煮去

右為末生地黃汁二碗牛乳二盞熬為膏和藥

為丸如桐子大麥飲下五十丸

竹龍散 治酒渴

五靈脂五錢 黑豆五錢 去皮生



右為末煎冬瓜仁湯調下二錢

澄源丹 治三消渴疾如神

牡蠣粉 苦參 蜜陀僧 知母 花粉

水銀以白蠟炒結成砂子各一兩 黃丹一兩與水銀同炒同研

右為末男子用雌猪肚女子用雄猪肚八藥在內以線縫定用繩縛在新磚上別用生花粉半斤切片同煮早晨至午時取藥出不用花粉只研爛猪肚和藥為丸如楸目大每服三十粒食前米湯下日三服十日可去病根

料簡

或云渴無外所因且傷寒脉浮而渴屬太陽有汗而渴屬陽明自利而渴屬少陰及陽毒傷寒倍重夫燥甚而渴甚者有中暑伏熱累渴不差而渴者有瘴毒之氣染寒熱而渴者得非外因乎治法如傷寒論中不復繁引酒煮黃連丸治中暑熱渴最妙又有婦人產後去血過多而渴者名曰血崩非三消類不可不審

### 五疸叙論

古方叙五種黃病者即黃汗黃疸穀疸酒疸女勞疸是也觀別錄則不止於斯然疸與黃其實一病古今

立名異耳黃汗者以胃為脾表屬陽明陽明蓄熱喜  
自汗汗出因入水中熱必鬱故汗黃也黃疸者此由  
暴熱用冷水洗浴熱留胃中所致與諸疸不同故用  
黃字之又云因食生黃瓜其氣上薰所致人或疑  
其不然古賢豈妄詮也必有之矣酒疸者以酒能發  
百脉由大醉當風入水所致穀疸者由夫肌膚發熱  
大食傷胃氣衝鬱所致女勞疸者由夫大熱交接竟  
入水中水濕流於脾因腎氣虛脾以所勝尅入致腎  
氣上行故有額黑身黃之證世謂脾腎病者即此證  
也其間兼渴與腹脹者難治發於陰必嘔發於陽則

振寒面微熱雖本於胃氣鬱發土色上行然發於脾則為肉疔發於腎則為黑疔若論所因外則風寒暑濕內則喜怒憂驚酒食房勞三因悉備世醫獨麗於傷寒論中不亦濫矣學者宜深識之

### 黃汗證治

病者身體腫發熱不渴狀如風水汗出染衣色正黃如柏汁名曰黃汗

桂枝加黃芪五兩湯

治黃疸身重汗出已輒輕

久必身暈動胸中痛腰以

下無汗腰腕弛痛如有物在



皮中劇者不能食煩躁小便

不利

桂枝

芍藥

各三兩

甘草

二兩

黃芪

五兩

右剉散每服四錢生姜五片棗三枚煎七分温

服仍飲熱粥以助藥力取微汗未許再服

黃芪苦酒湯

治身體洪腫發熱自汗，如栢汁其

脉沉

黃芪

五兩

芍藥

桂枝

各三兩

右為剉散每服四錢苦酒三合以水煎至七分

不以時服初服當心煩以苦酒阻故也至六七

日當愈

黃疸證治

病者發黃身面悉黃如金色小便如黃柏汁名曰黃疸

麻黃醇酒湯

治傷寒瘀熱不解鬱發於表發為黃

疸其脉浮緊者以汗解之

麻黃三兩  
去節

以醇酒五升煮取二升每服一盞溫服汗出愈

秋冬用酒煮春夏用水煮

穀疸證治

病者發黃內熱食則腹滿眩暈穀氣不消胃中苦濁  
濁氣下流小便不通陰被其寒熱留膀胱身体盡黃  
名曰穀疸

穀疸丸 治胃蓄熱氣濁食穀不化大小便不利腹

滿不下食跌陽脉緊而數亦治因勞發熱

熱鬱發黃

苦參三兩

龍膽草兩

山梔去皮五錢炒

人參三

右為末用猪膽汁八蜜為丸如桐子大大麥飲

下五十丸日三服

紅丸子 最治穀疸

秋晝然戲

蓬朮醋煮

三稜醋各二兩煮

胡椒一兩

青皮三兩麩炒

阿魏一分

右為末醋化阿魏入陳米粉為糊丸如桐子大

礬紅為衣生姜甘草湯下五十九

### 酒疸證治

五疸中惟酒疸變證最多蓋酒之為物隨人性量不同有盈石而不醉者有濡吻而輒亂者以醞釀而成有大熱毒滲入百脉為病則不特發黃溢於皮膚為黑為腫流於清氣道中則眼黃鼻癰種種不同故方論中酒疸外有肉疸黑疸癖疸勞溢乃致令人恍惚



失常等数症不同

半夏湯

治酒疸發黃身無熱清言了了腹滿欲嘔

心煩足熱或成癥癖心中懊懷其脉沉弦

或緊細

半夏

茯苓

白朮

各三兩

前胡

枳壳

炙草

大戟

各二兩

黃芩

茵陳

當歸

各一兩

右為末每服四錢生姜二片水煎空心服

二石湯

治肉疸小便多如白泔色因酒所致其脉

弦滑

凝水石

煨水

白石脂

煨

花粉

肉桂

各一兩

免絲子 知母

右為末每服二錢大麥飲調下

桂木湯

治酒疸因下後變為黑疸目青面黑心中如啖菲薺狀大便正黑皮膚不仁其脉微而數

肉桂

白朮各一兩

枳實

香豉

乾葛

杏仁

甘草

右為末每服四錢水煎服

當歸白朮湯

治酒疸發黃結飲癖在心胸間心下

縱橫堅滿骨肉沉重逆害飲食小便

黃赤此由本虛飲食生冷與脾胃疲

結所致其脉弦濇

白朮

茯苓

各二兩

當歸

黃芩

茵陳

各一兩

前胡

枳實

杏仁

半夏

甘草

生姜

七片

右劉散每服四錢水煎服

人參飲

治飲酒房勞酒入百脉令人恍惚失常

人參

白芍

花粉

枳壳

茯苓

棗仁

炙草

各一兩

熟地

二兩

右劉散每服四錢水煎食後臨臥服

如神散

治酒毒不散發黃久黃浸漬流入清氣道

師本白芍作白朮

中宜用引藥內鼻滴出黃水愈

苦瓠皮去

苦葫蘆子去皮各二七五

黃黍米三百粒

安息香二皂子大

右為末以一字搐入鼻中滴出黃水一升忌勿

吹入或過多即以黍穰燒灰入射香末各少許

搐鼻內立止

女勞疸證治

夫交接輸瀉必動三焦上焦屬心中焦屬脾下焦屬

腎動則熱則慾火熾因入水中二焦熱鬱故致發

黃下焦氣勝故額黑上焦走血隨瘀熱而行大便澹



黑貴勝人有男女同室而浴者多成此病攝生之人不可不知

滑石石羔散

治女勞疸身黃額黑日晡發熱惡寒

小腹急足下熱其脉浮緊腹或腹滿

者難治

滑石 煨

石羔 煨等

石為末以麥粥飲調下二錢日三四服小便極

利則差

消石礬石散

治女勞疸其腹臃脹膀胱急欲作水

狀大便黑者非水其脉滑腹滿者難

治

消石

煨汁 盡

礬石

煨汁 盡

右為末每服二錢大麥汁調下日三服重衣覆

取汗病隨大小便出大便黑小便黃是效

雜勞疸治

五疸之外有時行瘴癘風寒暑濕等証不同

茵陳梔子丸 治時行病急黃及瘴癘疫癘

茵陳

梔子

芒硝

杏仁

各三分 去皮尖

巴霜

一分

豆豉

二分 湯浸 軟另研

常山

鱉甲

各五錢 醋炙

大黃

一分

右為末錫糖為丸如桐子大每服三丸飲下吐

利為度末知加一丸

艾煎丸

治因傷風痰熱不解發為風疸舉身皆黃

小便或黃或白寒熱好卧不欲動其脈陽

浮陰弱

生艾

三月采搗取汁  
銅器煎如膏

大黃

川連

花粉

凝水石

煨

苦參

葶藶

隔紙炒  
各等分

石為末以艾膏和得所丸如桐子大初服六七

丸漸加至二十九有熱加苦參渴加花粉小便

澁加葶藶小便多加凝水石小便白加黃連如

大便難加大黃所加分兩並照本方倍之

五苓散 治伏暑鬱發黃小便不利煩渴

肉桂 茯苓 澤瀉 猪苓 白朮

為末茵陳煎湯調下

礬石滑石散 治濕疸始得之一身盡疼發熱面色

黑黃七八日後壯熱在裡有血下

如狫肝色狀小腹滿者急下之身盡

黃小便不利其脉沉細

礬石 滑石等分

石為末每服二錢大麥粥飲調下日三服便利

如血者效或汗愈



苦參散

治人無漸忽然振寒皮膚麤塵出小便赤  
澁大便時燥心氣無異食飲不妨服諸湯  
不除因為久黃方

苦參

黃連

瓜蒂

黃柏

大黃

各一

葶藶

五錢

右為細末每服一錢米飲調服當吐下隨時消  
息加減

小半夏湯

治黃疸小便色不異欲自利腹滿而喘  
者不可除熱去必噦

半夏

右剉散每服三錢姜十片煎七分服

養營湯

治五疸脚弱心忪口淡耳響微寒發熱氣急小便白濁當作虛勞治之

人參

白朮

黃芪

當歸

白芍

茯苓

熟地

遠志

五味

甘草

肉桂

陳皮

右剉散每服四錢生姜三片大棗二枚煎服如便精遺泄加龍骨一兩欬嗽加阿膠

三因極一病證方論卷十終